

CAPUT SECUNDUM.

BENEDICTIONES CRUCIS, CORONE VEL ROSARII, NUMISMATIS
VEL IMAGINIS D. N. J. C., B. V. MARIE ET ALIORUM SANC-
TORUM, QUÆ FIUNT CUM APPLICATIONE INDULGENTIARUM
D. BIRGITTÆ NUNCUPATARUM, ET EARUM, QUÆ A SUMMO
PONTIFICE SUNT CONCESSÆ ET CONTINENTUR IN ELENCHO
EX TYP. R. C. A. ANNO 1831 EDITO.

*Hujusmodi benedictiones fieri non possunt nisi ab haben-
tibus facultatem seu privilegium Sedis Apostolicae.*

PRO CRUCE, ET ETIAM PRO CRUCE NOVA.

(Ex Rit. Rom. ex Hor. diur. Brev. et Col. P. Sannig).

Si fuerint plures, mutetur numerus.

- ¶. Adjutorium nostrum ✕ in nomine Domini.
- R. Qui fecit cœlum et terram.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum.
- R. Et cum spiritu tuo.

OREMUS.

Rogamus te, Domine sancte, Pater omnipotens,
æterne Deus, ut digneris bene ✕ dicere hoc signum
Crucis, ut sit remedium salutare generi humano, sit
soliditas fidei, profectus bonorum operum, redemptio
animatorum, sit solamen et protectio, ac tutela contra
sæva jacula inimicorum. Per Christum Dominum nos-
trum. R. Amen.

OREMUS.

Bene ✕ dic, Domine Jesu-Christe, hanc Crucem
tuam, per quam eripuisti mundum à potestate dæmo-
num, et superasti passione tua suggestorem peccati,
qui gaudebat in prævaricatione primi hominis per lig-
ni vetiti sumptionem.

Hic aspergat Crucem aqua benedicta, et dicat :

Sanctificetur hoc signum Crucis in nomine Pa ✕
tris, et Fi ✕ lii, et Spiritus ✕ Sancti, ut orantes,
inclinantesque se propter Dominum ante istam Crucem
inveniant corporis et animæ sanitatem. Per Christum
Dominum nostrum. R. Amen.

*Postea Sacerdos genuflexus ante Crucem devote ado-
rat, et osculatur, et idem faciunt quicumque voluerint.*

PRO CORONA VEL ROSARIO.

(Ex Horis diurnis Breviarii).

Si fuerint plures mutetur numerus.

- ¶. Adjutorium nostrum ✕ in nomine Domini.
- R. Qui fecit cœlum et terram.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum.
- R. Et cum spiritu tuo.

OREMUS.

Omnipotens et misericors Deus, qui propter exi-
miam charitatem tuam, qua dilexisti nos, Filium tuum

unigenitum Dominum nostrum Jesum-Christum de cœlis in terram descendere, et de Beatae Virginis Mariæ Dominæ nostræ utero sanctissimo, Angelo nuntiante, carnem suscipere, Crucemque et mortem subire, et tertia die gloriose à mortuis resurgere voluisti, ut nos eriperes de potestate tenebrarum; obsecramus immensam clementiam tuam, ut hoc signum Rosarii in honorem et laudem ejusdem Genitricis Filii tui bene $\ddot{\chi}$ dicas, et sancti $\ddot{\chi}$ fices, eique tantam infundas virtutem Spiritus Sancti ut quicumque illud super se portaverit, atque attente et devote recitaverit, per invocationem sancti Nominis tui, corporis et animæ tutelam percipiat. Per eumdem Christum Dominum nostrum.

r. Amen.

Deinde aspergit illud aqua benedicta.

PRO IMAGINE VEL NUMISMATE.

(Ex Horis diurnis Breviarii).

Si fuerint plures vel plura mutetur numerus.

- v. Adjutorium nostrum in nomine Domini.
- r. Qui fecit cœlum et terram.
- v. Domine, exaudi orationem meam.
- r. Et clamor meus ad te veniat.
- v. Dominus vobiscum.
- r. Et cum spiritu tuo.

OREMUS.

Omnipotens sempiterne Deus, qui Sanctorum tuo-

rum imagines (*sive effigies*) sculpi aut pingi non reprehosas, ut quoties illas oculis corporis intuemur, toties eorum actus et sanctitatem ad imitandum memorie oculis meditemur: hanc, quæsumus, imaginem (*seu sculpturam*) in honorem et memoriam Unigeniti Filii tui Domini nostri Jesu-Christi (*vel* Beatissimæ Virginis Mariæ Matris Domini nostri Jesu-Christi, *vel* Beati N. Apostoli, *vel* Martyris, *vel* Confessoris, *aut* Pontificis, *aut* Virginis) adaptatam bene $\ddot{\chi}$ dicere, et sancti $\ddot{\chi}$ ficare digneris: et præsta, ut quicumque coram illa Unigenitum Filium tuum (*vel* Beatissimam Virginem, *vel* gloriosum Apostolum, *sive* Martyrem, *sive* Confessorem, *aut* Virginem) suppliciter colere et honorare studuerit, illius meritis et obtentu à te gratiam in præsenti, et æternam gloriam obtineat in futuro. Per eumdem Christum, etc.

Deinde aspergit eas vel ea aqua benedicta.

NOTA. *Prædictæ indulgentiæ possunt applicari sequenti modo :*

Et ego, ex facultate mihi ab Apostolica Sede commissa, applico tibi, concedo et facio participem Indulgentiarium, quæ continentur in Elencho ex Typographia Reverendæ Cameræ Apostolicæ anno 1831 edito, et Divæ Birgittæ nuncupatarum: In nomine Pa $\ddot{\chi}$ tris, et Filii, et Spiritus Sancti. Amen.